

Donostia, 2020ko urriaren 23a

## UDALBATZAREN IDAZKARI NAGUSIARI

### KONTROL MOZIOA, HIRIAN LAN PREKARIETATEA IZATEA DELA ETA

Elkarrekin Donostia udal taldeko zinegotzi Haizea Garay Gallastegik, Udalbatzaren Organo Araudiaren 98. artikulua ematen duen babesa aintzakotzat hartu eta KONTROL MOZIO hau dakar, PERTSONENTZAKO ZERBITZUEN BATZORDEAN gure hirian den lan prekarietateaz egindako interpelazioaren ondorioz.

### JUSTIFIKAZIOA

Urriaren 7an Lan Duinaren Nazioarteko Eguna izan zen. Zoritxarrez, lan-prekarietate handia dago Euskadin oraindik ere, eta Donostia ez da arazo horretatik libre den hiria. Horrenbeste zabaldua dagoen prekarietate horren aurka borroka egiteko, batez ere pandemia garai hauetan, konpromiso sendoak hartu eta ekin egin behar zaio, hura galtzeko.

Erakunde publikoek dituzte bitarteko eta baliabide gehien arlo horretan –eta beste askotan– jarduteko eta legeak egiteko. Donostiako Udalak, erakunde publikoa den aldetik, enplegua sustatzea du bere eskumenen artean, eta enplegua sortzeko plan batzuk aurrera eramaten dituen arren (45 urtetik gorako pertsonak lanean hartzea bultzatzeko programak, konparazio baterako), ez da nahikoa iraupen luzeko enplegua sortzeko, ezta behar adinako egonkortasun-bermeak izateko ere.

Argi dago bere politiken barruan ere askoz lan gehiago eta askoz ildo gehiagotan egin dezakeela udal gobernu honek. Esate baterako: (1) segimendua egitea, udal zerbitzuak egiteko azpikontratutako enpresetan edo enpresa emakidadunetan lan egiten duten langileen lan

baldintzena; (2) azpikontratutako zerbitzuak berriz ere Udalak berak hartzearen alde egitea; eta (3) bitarteko langileak erregularizatzea.

Hirian enplegu aldetik den egoera orokorrean, berriz, argi asko ikusten da COVID-19aren erasana, eta baita birus horri aurre egiteko hartu diren neurriena ere. Orain, kutsatzea asko ugaritzen ari den aldia dugu berriz ere, eta zaila da hurrengo hilabeteetan zer bilakaera izango duen eta arlo bakoitzean (lan eta gizarte arloan ere bai) izango duen erasana esatea. Nolanahi ere, guk uste dugu, enplegua suntsitzea geldiarazteko planteatu diren neurriek asko lagunduko zutela, seguru asko, gizartearen gehiengoak, langile jendeak, alegia, krisi hau ez ordaintzen, eta, hala, krisi honi aurre egiteko modua 2008tik aurrera izan dugun krisiari aurre egiteko modua ez bezalakoa izaten orain, erabat beste alderakoa baizik.

Une honetan, dugun egoera dela eta, akaso zaila izango jarduera batzuk moteltzeak eta negozio batzuk ixteak (denda txikiak eta ostalaritza, esate baterako) zenbateko eragina izan duen ekonomian eta gizartean. Ez dakigu zenbat pertsonari murriztu edo aldatu dioten lehen zuen kontratua, edota zenbati okertu dizkioten zituen lan baldintzak koiuntura honen aitzakiarekin. Dakiguna da zenbat pertsonak galdu duen lana. Beraz, lan esparrua sakonago aztertu behar da benetako eragina ebaluatzeko modua izateko. Hala ere, derrigorra da neurri batzuk jartzen jarraitzea suspertzea lan baldintzak kaskartuta izan ez dadin.

Orain asko ez dela aurkeztutako PREKaren bigarren ekinaldian planteatutako neurriez gain, guk uste dugu, enplegua sortzea ez ezik, enplegu egonkorra eta kalitatekoa izatea sustatu behar dela.

Hori dela eta, hauxe da gure

KONTROL MOZIOA

1. Donostiako Udalbatzak udal gobernuari eskatzen dio hiran diren langileen eta nagusien ordezkarien arteko bitartekaritza papera hartzeko bere gain, lan esplotazioaren aurkako neurriak adosteko eta hirian lan egiten duten pertsonen lan duina izateko.
2. Donostiako Udalbatzak udal gobernuari eskatzen dio lan prekarietatearen aurkako plan bat garatzeko hirian.
3. Donostiako Udalbatzak udal gobernuari eskatzen dio begiratzeko ondo Udalak eta haren mendeko erakundeek gaur egun azpikontratatuta dituzten zerbitzu publikoen prebentzio eta babes neurriak betetzen diren.
4. Donostiako Udalbatzak udal gobernuari eskatzen dio azterlan ekonomiko, finantzario eta juridikoa egiteko, Udalak eta haren mendeko entitateek azpikontratatuta dituzten zerbitzu publikoak berriz ere Udalak berak hartzeko modurik den ikusteko.

Haizea Garay Gallastegui,  
*Elkarrekin Donostiako zinegotzia*